

和漢

孝子蒙求

全

又 1

4150



門 31
號 4150
卷

又 1
4150



神陰加藤先生著

和漢孝子蒙求

明治四年秋仲開梓東京詠歸塾藏

457

新編圖書
改
乃即氏
丁卯
左正三年

敘
曾聞天下無不孝之忠臣。無
不孝之豪傑。無不孝之神仙。
故人之行。莫大於孝焉。一日
之不孝。終身不可以贖。一日
興于孝。可以基大德矣。人之

行莫重於忠焉。然以孝教忠。蓋移之于彼而已。故爲上者。能以孝爲政。則爲仁君。爲下者。能以孝事上。則爲忠臣矣。孔夫子以孝爲德之本。教之所由生也。不亦宜哉。予嘗著

和漢孝子蒙求八卷。看者請上梓以廣其傳。而予未遑校閱。姑刻其初一卷。以授童蒙。亦唯爲興孝之不可一日緩也。噫。犯上凌下。遂使天下擾擾者。誰職爲亂階。此詹詹者。

果謂無關涉于世道人心哉。
 元治紀元夏四月於周防山
 口客館。

常陸後學櫻老加藤熙識

雪江關思敬書



萬菟正走地涌醴泉
 一王嘉瑞卷老紀年

蘇熙



和漢孝子蒙求卷之一

常陸

加藤熙伯敬編次

神靈祐躬

孝感動天

神武天皇諱彥火火出見號神日本磐余彥尊
 天照大神五世孫元年辛酉正月朔天皇即位於大
 和橿原宮奉三種神器於正殿以天種子命天富命
 主祭祀掌朝政四年甲子正月天皇御正殿詔曰我
 皇祖神靈自天降鑑光祐朕躬今諸虜已平海內無
 事可以郊祀天神以伸大孝也乃立靈時于鳥見山

孝子蒙求



祭皇祖天神

日本紀

虞舜瞽瞍之子性至孝父頑母嚚弟象傲舜耕于歷山有象為之耕有鳥為之耘其孝感動天如此由是帝堯聞之妻以二女讓以天下曾太史琢玉襍字舜至孝所感三足鳥集其庭抱木子

大誦航海

壽昌入秦

高大誦號一覽為長寄譯官父渤海高壽覺福建彰郡人曾航海寓居薩摩生大誦後歸明大誦年十六跡祖入明弔祖氏之墟遊魯踰燕北經匈奴南及東寧殆經十餘年矣一日慕母之念不歇輒亦航海直

到長寄玄岱其子也

先哲叢談

宋朱壽昌字康叔天長人年七歲生母劉氏為嫡母所妬出嫁母子不相見者五十年神宗朝壽昌棄官入秦與家人訣誓不見母不復还行次同州得之時母年七十餘矣詔壽昌還就官宋書壽昌為王安石所忌出為河中府通判居數年母卒壽昌哭泣幾于喪明山堂肆考元羊仁廬州人元兵南下母及兄弟皆掠去仁及長遍訪得之乃乞好義者出鈔歷譜詣家求贖經營百計更六載大小二十餘口復得完聚元史

曾與取慚

吳猛恣蚊

曾與尾張西鄙人志水氏邑民善六之女也年四十餘而不嫁能事其親父嗜酒出醉則歸常晚曾與必迂之途一夕見其倒路傍爛醉熟眠不可扶持走反取恻而護之驅蚊以徹且近世叢語晉書吳猛豫章人也少有孝行夏月常手不驅蚊懼其去已而噬親也搜神記曰吳猛性至孝遇主人丁義授以神方又得秘法神符將弟子回豫章江水太急人不得渡猛乃以手中白羽扇畫江水橫流遂成陸路徐行而過過訖水復觀者駭異

弘吉竭力

董永賣身

丹生弘吉若狹人早喪父日省其墓哀慕不已養母至孝竭力奉養雖時遭旱蝗弘吉之田未嘗不豐熟鄉里以為孝感所致也貞觀帝授官旌之三代實錄備中西六條院村有兄摠十郎弟市助者事母及祖父而
至孝其田瘠鹵侍養之勤未暇深耕理當荒蕪而其稼倍他人以為天助本朝孝子傳後漢董永字延年家貧父死賣身貸錢而葬及去償工途遇一婦求為永妻俱至主家令織縑三百匹乃回一月完成輒辭永曰我天之織女也聞君至孝天帝使我助君償債言訖凌空而去北史王崇雍丘人

兄弟竝以孝稱夏風雹至崇田畔僂止竟無損落及過崇地風雹如初咸稱至孝所感後周王德喪父其子慶小字公奴并一女賣之以營葬後德位大將軍慶位開府

安氏愛重

閔母改悔

藤原良繩字朝台內磨之孫官至右大臣丁憂解職數月之後以本官起之以妨賢路辭焉遂遷左衛門督貞觀三年母紀氏寢疾良繩晝不解帶夜不接睫及其遭喪復解職毀瘠過禮後母安氏性悍諸子皆被譴責而良繩純謹孝事安氏殊愛重之

大東世語

閔損字子騫早喪母父娶後妻生二子衣以綿絮衣損以蘆花絮父令損御車體寒失靴父察知故欲出後母損曰母在一子寒母去三子單母聞悔改

琢玉
襟字

晉王延後母以蒲蔴與延貯衣姑問之不言母後遂感悟撫之如已子

丞內石泉

羗詩江水

美濃當耆郡有樵夫至孝其父嗜酒家貧每憂不能給一日入山伐薪誤墜巖谷間適見石泉色酷類酒掬飲醺酣即僂日汲進父元正帝聞以為孝感所致也乃車駕幸美濃過郡觀醴泉名曰養老因改元授

樸父官樵父名源丞內

日本紀

後漢雋詩廣漢人事母至孝妻龐氏奉姑尤謹母性好飲江水妻出汲而奉之母又嗜魚膾夫妻常力作供膾舍側忽湧泉味如江水每日一汲輒獲雙魚供母赤眉散賊過詩里弛兵而過曰驚大孝必觸鬼神唐宋詩禮字過庭事繼母會大旱井池涸母羸疾非泉水不適口詩禮憂禱忽有泉出諸庭味甘美柳冕為刻石頌其感駱賓王為作靈泉頌

幾美擊狼

楊香搃虎

辛酉四月田頭村百姓女幾美年十四從母采薪歛

有一狼突出母驚仆狼坐其上女急拔一杖力擊中其脊狼憤澗中女掬水含母氣息漸蘇乃掖而还夫一擊殫狼多力丈夫尚且不能而况於細嫩女子乎蓋救母之誠凜貫天地射石飲羽誠有其理也黃葉詩卷附錄楊香魯人年十四歲嘗隨父豐往田獲禾父為虎曳去時香手無寸鐵唯知有父而不知有身踴躍向前搃持虎頭虎亦曳去而逝父因得免於害虎遂負香奔走因而斃琢玉楊豐與息女香於田獲粟豐為虎所噬香年甫十四手無寸刃乃搃虎頭豐因得免太平章項妻程與二女入山採葉為虎銜齧去二女寬

孝子蒙
叫挽其衣裙與虎爭力虎乃捨之程由獲免元王初
應從父樵劉嶺山有虎出搏其父初應奮救抽鎌刀
刺虎鼻殺之父獲甦詔旌其孝行泰定二年同縣施
合德其父嘗出耘為虎扼於田合德持斧前殺虎父
得脫

古嗣讀書

子路負米

山田古嗣弘仁間人廉謹寡言幼喪母嘗讀書至於
樹欲靜而風不止子欲養而親不在流涕不禁卷帖
為之沾濡母沒敬事從母天性篤孝後遭父憂哀毀
過禮承和中出為阿波介異績有聞

文德實錄

仲由字子路事親至孝家貧常食藜藿為親負米百
里之外親沒南游于楚從車百乘積粟萬鍾累禍而
坐列鼎而食乃嘆曰雖欲食藜藿為親負米不可得
也木欲靜而風不停子欲養而親不逮家語曾子曰
往而不可還者親也故孝欲養而親不待是故推牛而
葬不如雞豚之逮親存也初吾為吏祿不及金尚欣
欣而喜者非以為多也樂其逮親也既沒之後吾嘗
南遊于楚得尊官焉堂高九尺車嘗百乘然猶北向
而泣涕者非為賤也悲不逮吾親也故家貧親老不
擇官而仕子尸宋楊芾字文卿性至孝紹興五年大飢

負米百里外遇盜奪之慟哭獲免

摠母哺舅

崔祖乳姑

備中西六條村有一孝婦寡居養舅孝謹有一子兄曰惣十郎弟曰市助亦皆至性舅老而聾盲且痿躄孝婦每執匕以哺之冬夜母子爰侍以煦足夏日兄弟代起以驅蚊舅謂孝婦曰媳之厚於我也不可具謝德必有報惣及市皆娶其妻亦孝于媳豈弗若媳之於我哉後果如其言邦主賜粟旌賞

本朝孝子傳

唐崔山南名瑄博陵人昆弟子孫之盛卿族罕比曾祖母長孫夫人年高無齒祖母唐夫人每日櫛洗升

堂乳其姑姑不粒食數年而康寧一日長幼咸集宣言無以報新婦恩願子孫婦亦如新婦孝敬則崔之門安不得昌大乎崔氏兄弟六人至三台宣帝歎曰卿一門孝友可爲士族法題所居曰德星堂京兆尹卽其里曰德星里

孫次馬步

老萊兒嬉

鍛匠孫次郎肥後湯街人里中有溫泉母喜浴之孫次日負之就浴母曰汝年五十以吾未亡故自苦如此於吾不安孫曰否否兒老益壯且與母行何樂如之吾觀夫士大夫出必有輿馬我母貧無輿馬幸有

一男子伛伛過馬，今母乘之，何羨之有，及負而出，顧
眄戲之曰：馬之步驟，唯慈尊之命，或擬局促，或擬蹠
嚙，母乃大笑。母死，日往哭墓，語如平生。寬文中國主
細川公旌賞之。本朝孝子傳

周老萊子，楚人，孝奉二親，行年七十，言不稱老，作嬰
兒戲，身著五色斑斕之衣，嘗取水上堂，詐跌仆臥地，
為小兒啼，弄雜於親側，欲親之喜。小學戴叔鸞，母好驢
鳴，叔鸞每為驢鳴，以說其母。世說注

妙喜墮胎 郭巨埋兒

妙喜女，豐後，速見郡人，初適某氏，方有身，而舅疾自

計家貧，族單，今而乳兒，養視不能專力，即決然墮胎。
後生男，不幸早喪，夫及男，事舅姑益孝，舅姑已沒，祝
髮為尼。天明中沒。近世叢語

後漢郭巨，字文舉，家貧而有子三歲，母嘗減食與之，
巨謂妻曰：貧乏不能供母子，又分母之食，盍埋此子，
子可再得，母不可再得，及掘坑三尺，得黃金一釜，上
云天賜孝子郭巨，官不得取，民不得奪。南史郭世
通，家貧，傭力以養繼母，婦生一男，恐廢養，埋之，文帝
勅榜其門為孝子門。晉書劉殷，字長盛，嘗夜夢人
謂之曰：西籬下有粟，寤而掘之，得粟十五鐘，銘曰：七

年粟百石以賜孝子劉殷自是食之七歲方盡 搜神記羊公性篤孝父母亡葬于無終山遂家山高無水作義漿于坂頭有一人就飲飲訖出石子一升與之曰可以種玉玉生其中其地名曰玉田

伊周微服

剡子衣皮

藤原伊周關白道隆之子一條帝時有罪謫居播磨母夫人高階氏不勝離憂病將死伊周聞之謂若得一省借使極死無憾焉乃微服而歸事聞以犯法受貶太宰帥後一年得赦歸京母夫人者所謂儀同三司母是

榮花物語

剡子迦夷國人父母年老俱患雙眼思食鹿乳剡子乃衣鹿皮去深山入鹿群之中取鹿乳供親獵者見而欲射之剡子具以情告乃免珠玉 剡子經佛自說於過去世時曾為睽子孝養其盲父母於山中修道偶為迦夷國王遊獵憚射既死復生又曰使我疾成於無上正真之道者由孝德也

久妻洗溺

黔子嘗糞

備前三田邨孝婦農夫久平之妻也久平有父性懷多戾舉邑稱其不慈使婦甚虐无日不楚撻偶怒溺于木臼婦痛以罪已待舅顏解而後退洗滌焉婉婉

如此舅亦遂自悔悟時有巡視郡縣者舅出而告之以婦孝狀巡視告官旌表之

本朝孝子傳

南齊庾黔婁字子負為孱陵令到縣未旬忽心驚流汗即日弃官歸時父疾始二日醫曰欲知瘥劇但嘗糞苦則佳黔婁嘗之甜心甚憂之至夕誓願北辰求以身代父唐焦懷肅母病每嘗其唾若味異輒悲號幾絕北史田翼後母臥疾患暴利翼謂中毒藥遂親嘗穢惡元張恭母疾手除溷穢喂哺飲食且嘗糞以驗病勢又杜祐下邳人父病棄職歸遂禱天求代且嘗糞以驗病

清七來鵝

孟宗生笋

樵夫清七河內日下村人獨與母居母壯也為富商乳媪口慣滋味不能蔬食清七力儉養奉朝先人而出暮後人而歸其所采薪常倍於人乃分之為二二供平日之費一資母不時之需一夜母欲食鵝矣適有善然觸窻者驚出視之鵝也人皆以為孝感所致也

近世叢語

晉書孟宗字恭武江夏人少孤母嗜笋冬節將至筍尚未生宗入竹林哀泣而筍為之出得以供母皆以為至孝所感仕孫皓至司空吳錄宗遷吳令時皆不

得將家之官，每得時物，未以寄母，常不先食。南史
滕曇恭，豫章人，母楊氏，患熱，思食寒瓜，土俗所不產，
曇恭歷訪，不得，銜悲哀切，遇一桑門，曰：「我有兩瓜，分
一相遺，」還以與母，舉室驚異，尋訪桑門，莫知所在。

東里張惻

黃香扇枕

中根東里名若思，伊豆人，年十三而喪父，事母孝謹，
其母氏命為修父，真福歸釋氏，後遂得請母氏還俗，
室鳩巢又聞其名，召客於其家，東里之父善飲，每出
醉，則歸家晚，東里挑燭常迎之，嘗迂之途中，父醉甚，
不辨東里乎他人也，大罵之，遂倒樹下而睡，扶持之。

不起，走反取，惻於家，而恐其母不安，故稱父宿某許，
今夜醉客衆，某家又無餘，惻與兒一宿而還，遂到父
睡處，張惻於樹，護之以徹夜，遲其睡覺而扶之，還家。

鄉人稱其孝

續先哲叢談

後漢黃香，字文強，江夏安陸人，年十九失母，思慕骨
立，鄉人稱其孝，事父盡孝，夏天暑熱，扇涼其枕，冬
天寒冷，以溫其被，席太守劉護表而異之，京師號曰
天下無雙江夏黃童。

為助雷赴

王褒栢慘

蘆田為助，丹波天田郡人，家貧，夫妻至孝，寒以身煖。

席暑奉榻就涼，父母已寢，一夕再三往省焉。母性怖雷，在外聞雷，即走還侍。父母沒，葬諸舍側，日往拜謁。每雷奔赴焉。寬文中封主松平氏嘉之，多賜錢帛，為助。有兄，乃舉其所賜以讓之，兄亦不受。因為世寶，不敢私用。封主亦命復其田林祭酒為作之傳。本朝孝子傳

伊藤介亭，東涯之弟也。夙喪父，孝於母。母性怖雷，異變後，每雷無論晝夜，匍匐往省焉。近世叢語

晉書王裒字偉元，父儀為文帝司馬，見殺，裒痛父非命，未嘗西向而坐，示不臣也。隱居教授，廬于墓側，且夕常至墓所拜跪，攀柏悲號，涕泣著樹，樹為之枯。母

性畏雷，母沒，每雷輒到墓，曰：裒在此，及讀詩至哀哀父母，生我劬勞，未嘗不三復流涕。門人受業者，並廢蓼莪之篇，家貧躬耕，或有助之者，不聽。竺彌父生

時畏雷，母至天陰，輒馳至墓，伏墳而哭。孝子傳顧歡早孤，讀詩至哀哀父母，輒執書慟哭，由是受業者，並廢蓼莪。上同宋趙善應，母畏雷，有聲，即披衣走其所，母喪毀瘠，骨立，俯首柩旁，聞雷聲輒起，側立。上同

公助不中 曾參誤傷

射舍人下野，公助敦行子也。嘗與眾試射，公助不中，敦行視之大怒，走出撻公助，投杖而哭，或謂公助曰：

盍避焉公助曰父之杖兒非疾兒也愛兒之至也且我走必追追或顛蹶我恐之故弗避也聞者歎服相公聞之厚遇公助著問集

曾子名參字子輿父曾皙使曾子耘瓜誤傷其根曾皙怒援木擊之曾子有頃乃蘇孔子聞之曰昔舜事瞽瞍索而使之未不在側索而殺之未嘗可得小箠則受大箠則走今參委身待暴怒以陷父不義不孝孰大乎說苑

伊麻取鱸

王祥臥冰

寡婦伊麻大和葛下郡竹內村人獨與舅居定省無

怠舅曾疾不飲食旬餘病閒欲食鱸魚伊麻憂山中難俄致及夜厨甕忽焉有音驚起視之即鱸也大悅割烹薦舅疾尋愈貞享五年芭蕉翁聞其至孝特往見感泣而行近世叢語

晉王祥字休徵早喪母繼母朱氏不慈而祥愈孝謹母嘗欲生魚時天寒冰凍祥解衣臥冰冰忽自解雙鯉躍出母亦思黃雀炙復有黃雀數十飛入其幕有丹李結實母命守之每風雨輒抱樹而泣後舉秀才累進太保今肇度府冰凍天曉有人形臥冰象金相詩選

晉書 晉王延母嘗盛冬思生魚延求而不獲扣冰而哭

忽有一魚踊出冰上。唐張士巖父病藥須鯉魚冬月冰合有獺銜魚至前得以供父父遂愈母病癱士巖吮血。

忠左客作

江革行傭

藤右衛門會津商也其母盲且痿躄藤右又患中風十年許然就養扶持無所不至其子忠左衛門者亦篤行客作以給養父祖焉鄉里勸娶妻忠左不肯曰恐乏供給已元祿十五年封主旌賞賜米若干斛

館童子訓

漢江革齊人也少失父獨與母居遭亂負母逃難數

遇賊或欲劫將去革輒泣告有老母在賊不忍殺轉客下邳貧窮裸跣行傭以供母僂身之物莫不畢給

喜左掘葛

蔡順拾桑

喜左衛門肥後天草人家貧孝父母曾遇凶荒夫妻掘葛採薪以奉養焉父疾欲食鮮魚其妻下山數里行釣于海濱父沒與母居母欲他適必負而行事聞城主松平氏賞賜白銀若干喜左不敢私用以供二親祭奠人見友元為之傳

本朝孝子傳

後漢蔡順字君仲少孤事母至孝遭王莽亂歲荒不給拾桑椹以異器盛之赤眉賊見而問曰何異乎順

孝子蒙
曰黑者奉母赤者自食賊憫其孝以白米三斗牛蹄一隻與之母嘗至姻家飲酒嘔吐順恐中毒乃嘗其吐母生瘡出膿以口嗽之及母沒停喪在堂東家失火順不能移伏棺而哭火乃飛于西家順屋得免後舉孝廉不就

雅實袖屏 陸績懷橘

太政大臣久我公姓源諱雅實六條右大臣之嫡子也母從二位隆子大納言源隆俊之女一日大臣與隆俊巡視省中有雖貴戚達官亦皆徒跣過庭之處蓋以操履者不得從也公時總角竊自袖一屏以從

焉到彼出而進之隆俊深感其孝思墮淚以謝公嘗奉詔謁于伊勢太廟夢神告曰此有佛經宜徙之他處覺而使索之果在焉公輒卻之

古今著聞集

吳陸績字公紀年六歲於九紅見袁術術出橘待之績懷三枚及歸拜辭墮地術曰陸郎作賓客而懷橘乎績跪答曰吾母性之所愛術大奇之孫權辟為掾以直道見憚出為鬱林太守唐陳叔達為納言嘗賜食得葡萄不舉高祖問之對曰臣母病渴嘗求之不得願歸奉之帝因愛賜之

持軒誤觸 山谷親滌

五井持軒名守任字加助大坂人夙有至性侍父病
誤觸藥器大駭捧持敬移之初治醫事療一婦人方
劑不對乃歎曰將以治民久致人死遂改業為儒近世

叢語

宋黃庭堅號山谷元祐中為太史性至孝身既貴顯
奉母盡誠每夕親自為母滌溺器未嘗頃刻不供子

職琢玉
祿字

夏井構堂

丁蘭刻木

紀夏井左京人美濃守善岑第三子文德帝嘗聞其
名召見衣履麤弊左右咸嗤之帝曰是疲駿也非汝

等所知遂有殊寵貞觀七年拜肥後守其母石川氏
聞而哭之曰吾兒其不終乎吾聞肥俗貪汚恐吾兒
以清治之後果坐事見謫及出美濃吏民遮道號哭
如喪考妣既過讚岐境以嘗領其牧男女老幼相迎
道路哭聲不絕夏井有至性母石川氏二為建一草
堂安厝遺骸晨昏定省無異生時又日讀般若經以
終三年文德
實錄

丁蘭幼喪父母未得奉養長而思念刻木為像事之
如生其妻久而不敬以鍼戲刺其指血出又誤以火
燒其面應時髮落如割木像見蘭垂淚因問得其實

將妻棄之一說鄰人借斧蘭啓木母木母顏色不怡
使不借隣人嗔恨後伺蘭不在以刀斫木母臂血流
滿地孝子傳金明祝大昌字公榮命工搏土尙二親
像於朝夕事之如事生矣宋學士全集盧操字安節爲臨
渙縣尉次官舍都屋尊老所處不敢寧居設几筵神
座視之出必告反必面過其庭鞠躬如也太平御覽劉師
燕字文通蚤失其母及長不記容狀哀慕之心不拘
月制忽夢見其狀曰我乃母也若孝通神明故我得
建爾處師貞哀號愈甚乃作偶人像以事之朝夕起
居及告如常每薦新然後食時人語曰孝通神明漢

有丁蘭唐有師貞唐贈絳州刺史馬彙司徒馬燧之
子居父喪刺血寫佛經以期望酬報父之恩德韓文元
德秀字紫芝少孤事母孝舉進士負母入京爲魯山
令母亡廬墓刺血寫佛經天下高其行不名謂之元
魯山舊唐書李觀字文賓居父之憂刺血寫金剛般若布
諸人以資父之冥金剛經應驗傳

皇奉梓宮

帝嘗湯藥

天智天皇初號葛城皇子母皇極帝初爲皇子與中
臣鎌子謀誅入鹿皇極帝欲傳位固辭而止孝德帝
卽位立爲皇太子及皇極帝重祚仍在儲位七年春

從西征秋帝崩行宮天皇素服稱制冬十月奉梓宮而還天皇性至孝居喪於難波宮雖已逾年哀痛之甚未忍行吉禮是以服除未行登極之禮七年春始即位宴群臣蓋帝在位興樂制禮稱為中興聖主日本紀

前漢文帝諱恒高祖第二子初封代王生母薄太后帝孝養無怠太后嘗病三年帝為之目不交睫衣不解帶湯藥非口親嘗弗進仁孝聞天下珠玉襍字

以上漢人所謂二十四孝者配以我邦孝子合四十八句是為第一卷

柳陰先生著述書目

一騎歌盡	<small>上本</small> 一卷	藩兵私考	同	一卷
稽古經典大學	<small>近刻</small> 四卷	同學記	同	一卷
同弟子職	同	同中庸	同	三卷
同樂記	同	樂調圖說	<small>同</small>	一卷
代斲医言	同	管子牧民評注	同	一卷
三昧詩諺解	同	御莊子	同	八卷
阿片始末考異增評	同	學術論	<small>活板</small>	一卷
小學建議	<small>活板</small>	大學建議	同	一卷
皇國體歌	三卷	稽古經典孝經	同	三卷

龍氏指掌	夕顏物語	家祭小矩	保氏小鑑	義人錄增補	邪教原始	稽古寶典古事記	同周易	同書經	稽古經典論語
一枚摺	一卷	一卷	三卷	四卷	一卷	廿卷	一卷	三十卷	廿二卷
一菜經	題跋小品	神陰日讀	私塾教率	侯國小典	宿直物語	管子要語	同春秋左傳	同兵制	同詩經
一枚摺	二卷	六卷	一卷	五卷	十五卷	二卷	廿卷	四卷	十卷

筑波根廻	孫子臆断	孟子拙辨	櫻川誌略	詠物百首	達意稿	謀野草議	孝子蒙求	神陰詠草	隱居放言
一卷	三卷	未定	一卷	一卷	若干卷	四卷	八卷	三卷	二卷
一言抄	救餓錄	泣血苦言	獨步記行	言志稿	文雅典室	詩樂辨	和漢廿四孝初卷	十三山書樓集	楠流兵書增補
五卷	二卷	十卷	一卷	若干卷	若干卷	一卷	官許上末	二卷	若干卷

五傑三士傳

一卷

奮武腹稿

三卷

五
十

